

Zeitschrift: Schwyzerlüt : Zyschrif für üsi schwyzerische Mundarte

Band: 13 (1951)

Heft: 4-6

Artikel: Alt und Jung

Autor: Fringeli, Albin

DOI: <https://doi.org/10.5169/seals-183518>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 21.05.2025

ETH-Bibliothek Zürich, E-Periodica, <https://www.e-periodica.ch>

epper am Stärbe, seite si, un nüt angers!» eso het er buugeret vor an em ane, dr Vatter. «Du chausch vo Glügg rede,» het d Mueter jedesmol wider gseit, wenn si mer d Hutt zwägdruggt un dr Bräschte abgwäscht het. «Jo, jo, hesch mehr Glügg gha aß Verstang!» Dr Vatter het is treut: «Machet mer nonemol settegi Dummheite, drno verschlohn ech d Bohnestägge uff em Buggel, Rumpis un Stumpis!»

Die Strofpredig isch aber gar nit nötig gsi. Weiß Gott, i ha ne Zytlang nüt meh welle wüsse vom Schieße. Eppis ganz angers isch mer im Chopf ummegfahre, wenn i s Bärgli ab uff d Stroß und duruff is Dorf, i d Schuel, gluffe bi: «Worum isch dr Bohnestägge nit is Aug yne gfloge? Worum eppe zwe oder drei Millimetter näbe dra? Drno hätt i numme no ei Aug gha! Un jetz han i no bedi. Un ne Bräschte han i o. Ne Bräschte, wo mi allwág will mahne — myner Läbtig — aß me nie darf z meischterslosig sy. Es isch ne Ungfell gsi, sälbe Schutz, aber i ha einewág Gfell gha drby. Eso vill Gfell, aß is hüt noni rächt cha begryffe, wies het chenne goh. Allwág het dr Herrgett mit mer Beduure gha un im letschte Augebligg im Schärl sym Bohnestägge ne Schüpfl gäh, aß er mer nit is Aug oder gar i Chopf ynegfahren isch.

A sälbem schwere Tag han is gspüürt, aß es no eppis gitt, wo mer nit chenne gseh... eppis, wo obe öis isch un vill vill sterger isch aß mir alli zsämme.

(Erstdruck).

Alt und Jung

Es stoht ne alte Hollerstogg
Wingschief im magre Grung.
Dr Rupp, dä het em d Bletter gno,
Jetzt huurt er wie ne Bättler do
Un wartet uff sy Stung.

Doch wenn dr Gugger wider rieft,
Wenn s trybt i Wald und Fäld,
Schlöh töusig nöiji Chnöpfli uß,
Dr Hollerstogg wird Bluemestruß
Ne heiter Liecht für d Wält.

Albin Fringeli.

(Us: „Der Holderbaum“, Schwarzbueb-Verlag
Jeger-Moll, Breitenbach).